

Genade of Guns

2. "Genade"

Julle wat spreek 'genade, genade' weet jy werklik wat jy spreek.
Kom ons kyk wat beteken 'genade en wat ons veronderstel is om te spreek.

Die Hebreuse woord 'chên' beteken guns waarvan die Griekse woord charis vertaal is na Engels as 'gracse' 'Charis' en gracse was name van sensuele vroulike idole wat 'n metgesel is van die Son – idool. In die Afrikaanse Skrif is die woord 'chên' hoofsaaklik reg deurgegee / vertaal in die ou testament as 'guns', maar in die nuwe testament verkeerdelik as 'genade' vertaal. Genade kom uit die oud – Saksiese en Indiese 'natha of ginatha'. Dit het ook in 'n verkorte vorm gekom as 'gena'. Volgens H.W. Haussig in *Worterbuch der Mythologie*, vol. V, p. 621 word vertel dat 'natha' dieselfde betekenis het as "H*re" of "Lord". Die Indiërs het Natha gebruik as 'n naam vir Boeddha wat 'n Son–idool is. 'Gna' by die Indiërs beteken 'vrou van die gode' 'Gena' het ook 'n algemene naam geword onder die Indiese vroue [*soos 'gune' wat vrou beteken onder die Grieke en 'gnata' in Latyns wat dogter beteken*]. In Hindoeïsme gebruik hulle 'Gnas' as 'n godin van voortplantings krag.

Genade wat guns moet wees is strydend met mekaar. Guns is geneigdheid / bereidheid tot die betoning van 'n vriendskap; welwillende gesindheid. Om by iemand in 'guns' te wees is nie 'genade' nie. Guns betoon jy en die begunstigde is dankbaar daarvoor. Guns is goedertierenheid en goedheid wat YHUH aan ons bewys. Hy laat Dawid voor Hom staan, want Dawid het guns in Sy oë gevind [*1 Sam. 16:22*]. Ons as die uitverkore het met guns en gawes van YHUH gekom tot waar ons vandag is [*Ons kan sê: Tot en met Hy Sy guns weggeneem het toe het dood ingetree*].

Ons vra maklik; Mag ek jou 'n guns vra? Om guns te toon of te gee moet die omstandigheid reg wees sodat jy reg/gereed daarvoor voel; Dit is 'n permissie wat verleen word. Guns is 'n voordeel wat verleen word; Dit is 'n gawe wat uitgedeel word; Dit is liefde wat openbaar word. Guns kan nie afgedwing of beveel word nie; Dit moet uit eie wil kom. YHUH dwing niemand om guns te lewer nie, maar wag liewer om te sien of guns uit die persoon na vore tree. Wanneer kan iemand my in guns aansien? Wanneer ek oortree het of behoeftig is. Daar is waarheid en reg tot beskerming in guns.

Hoekom is daar wette? Is dit nie daar tot beskerming nie? Is dit nie daar tot orde nie? YAHUSHA beskerm ons in Sy guns, waar waarheid heers. Daarom as ons oortree gaan ons na Hom en vra dat Hy ons in Sy guns sal aansien. Mooi en harmonie straal uit guns wat 'n positiewe houding reflekteer. Uit guns word ons rein en kan voor YHUH verskyn. Guns bly latent by ieder en elk tot die mens dit wil gebruik, maar nie genade nie. Genade lê in gesag. Genade word gebruik in die plek van {antie} guns, maar oordonder die {latente} guns so dat mooi en harmonie oorgaan in hardheid en afguns. Genade is harteloos teenoor die behoeftige.

In genade lê eie oordeel waar guns die teenoorgestelde is. Genade lê gewoonlik in die volgende [*gesag*] se hande waar guns by jou lê.

Kom ons kyk wat sê die Skrif vir ons oor die saak en waar die waarheid in lê.

*Gen 47:29 ...: As ek nou **guns** in jou oë gevind het, Gen. 30:27
1 Sag 2:9 Die voete van Sy **guns**genote bewaar Hy, Deut. 33:8; Ps. 30:5
1 Sag 25:35..ek het na jou geluister en jou in **guns** aangeneem. Gen. 20:13
Spr. 23:6 Eet nie die brood van een wat **afgunstig** is nie, Mark. 7:22
Spr. 28:23 Hy wat 'n mens teregwys, sal agterna meer **guns** vind...
Pre. 9:11*

Die bo gelese verse is korrek, maar die onderste verse is inkorrek.

*2 Sam 16:4 ..Mag ek **genade** 'guns' vind in u oë, my heer die koning!
2 Kon 13:4 Maar Jóahas het die aangesig van YHUH om **genade** 'guns'
gesmeek. 2 Kon 33:12; Job.8:5
Jes. 26:10 Word aan die bose {Wetsoortreder} **genade** "guns" bewys, dan
leer hy geen geregtigheid nie; wat onreg is, doen hy in 'n land van reg, en
hy sien die hoogheid van YHUH nie. Bewys jy hom guns dan leer en sien hy
Jer. 16:13
Luk. 1:30 En die engel sê vir haar: Moenie vrees nie, Mirjam, want jy het
genade "guns" by VADER gevind. Hoekom sal Mirjam genade ontvang
i.p.v. guns, sy was nie 'n Wetsoortreder nie!
Luk. 2:40 En die Kindjie het gegroei en sterk geword in die Gees en vol van
wysheid. En die **genade** "guns" van VADER was op Hom. Hoekom sal
VADER / YAHUSHA nou "genadiglik" wees, soos in siestog; Dit moet 'guns'
wees, want in guns lê liefde, nie in genade nie, in genade lê jammerhartigheid.
Luk 2:52
Joh. 1:14 En die Woord het vlees geword en het onder ons gewoon—en ons
het Sy Lofwaardigheid aanskou, 'n Lofwaardigheid soos van die
Eniggeborene wat van die VADER kom — vol van **genade** "guns" en
waarheid. In genade lê oordeel waarvan YAHUSHA duidelik gesê het dat Hy
nie gekom het om te oordeel nie, maar om te red (Om goedgunstig te wees
oor Syne).*

*Joh. 1:17 Want die wet is deur Moses gegee; die **genade** "guns" en die
waarheid het deur YAHUSHA dié Gesalfde gekom. YAHUSHA sê: dit wat
Ek van VADER ontvang het bring Ek vir julle; Kan dit dan genade wees of
eerder guns? As dit genade was kom dit neer dat VADER ons jammer kry,
{siestog} maar as dit guns is, is dit omrede HY ons lief het.
1 Pet.1:10,13; 5:5; 2 Pet 3:18; 2 Joh.1:3*

Guns kan vermeerder en kan opgehoop word, maar genade word slegs eenmaal gegee. Guns kom van die een wat van jou hou, maar genade (*in die 'Afrikaanse' sin*) kom van enige een tot oplossing van 'n nood situasie.

Net tot uitbreiding oor 'guns' wat jy 'n broer moet aansien (*want in guns lê 'seën'*).

1Pet. 3:7,9 ... omdat julle ook mede-erfgename van die ~~genade~~ guns van die lewe is— sodat julle gebede nie verhinder mag word nie.:9 Vergeld geen kwaad met kwaad of skeldwoorde met skeldwoorde nie, maar seën intendeel, omdat julle weet dat julle hiertoe geroep is, sodat julle seën kan beërwe. Dus seën mekaar, want guns die het jy reeds geërf.

Num. 24:9...Geseënd is hulle wat jou seën, en vervloek is hulle wat jou vervloek! Hoor julle die opdrag? Kom weg met die leef onder genade van Paulus wat ieder en elk mekaar mee toewens. Seën intendeel, want seën bring die dak oor die kop, kos op die tafel, klere aan die lyf en "n gesonde lewe.

Ex. 23:25 En julle moet ~~die~~ ~~HERE~~ VADER julle ~~Ged~~ Skepper dien; dan sal Hy jou brood en jou water seën, en Ek sal siektes uit jou midde verwyder. Lees julle die ontvangs? Nie "Genade" nie, maar seën van VADER.

Num. 6:23 ...: So moet julle die kinders van Israel seën deur vir hulle te sê: :24 Die ~~HERE~~ VADER sal jou seën en jou behoed; :25 die ~~HERE~~ VADER sal SY aangesig oor jou laat skyn en jou ~~genadig~~ goedgunstig wees; :26 die ~~HERE~~ VADER sal SY aangesig oor jou verhef en aan jou vrede gee. :27 So moet hulle dan My Naam op die kinders van Israel lê; en Ek sal hulle seën.

Lees gerus Deut.28 oor die seën wat jou sal toetree as jy doen en leef soos dit VADER behaag.

Mense breek weg uit die doktrine van Paulus se "genade", want seën lê nie daarin nie.

Matt. 5:44 Maar Ek sê vir julle: Julle moet jul vyande liefhê; seën die wat vir julle vervloek, doen goed aan die wat vir julle haat, en bid vir die wat julle beledig en julle vervolg; Mat 21:9 ...: Geseënd is Hy wat kom in die Naam van ~~die~~ ~~Here~~ YHUUH ! Hosanna in die hoogste hemele! Matt. 25:34 Dan sal die Koning vir die wat aan Sy regterhand is, sê: Kom, julle geseëndes van My VADER, beërf die koninkryk wat vir julle berei is van die grondlegging van die wêreld af. Mark. 10:16 En Hy het Sy arms om hulle geslaan, Sy hande op hulle gelê en hulle geseën. Luk. 9:16 Toe neem Hy die vyf brode en die twee visse, en nadat Hy opgekyk het na die hemel, seën Hy dit en breek dit en gee dit aan die dissipels om dit aan die skare voor te sit. Luk. 24:50 .. En Hy het Sy hande opgehef en hulle geseën. Luk. 24:51 En terwyl Hy hulle seën, het Hy van hulle geskei en is in die hemel opgeneem. Hand. 3:25,26 En julle is kinders van die profete en van die verbond wat ~~Ged~~ VADER met ons vaders gesluit het toe Hy vir Abraham gesê het: En in jou saad sal al die geslagte van die aarde geseën word. :26 ~~Ged~~ VADER het, nadat Hy SY Kind Jesus YAHUSHA opgewek het, Hom eers vir julle gestuur om julle te seën deur elkeen van sy booshede te bekeer. Hoor julle die woorde! "Eers gestuur om te seën" Gen.32:26